

# S. FRANCISCI SOLANI

ORDINIS MINORUM  
REGULARIS OBSERVANTIÆ.

DIE XVIII. JULII.

*In festo sancti Francisci  
Solani, Ordinis Minorum Re-  
gularis Observantiæ dupl.*

Omnia de coi. Con-  
fess. non Pontificis præ-  
ter ea, quæ sequuntur.

*Oratio.*

**D**Eus, qui plurimas  
Américæ Gentes  
per beatum Francis-  
cum ad sinum Ecclesiæ  
perduxisti, ejus mēritis,  
& precibus indignatiō-  
nem tuam à peccatis  
nostris averte, & in  
Gentes, quæ te non  
cognoverunt, timorem  
nominis tui benignus  
immitte. Per Dōminum

*In 1. Nocturno. lect. de*

*Scriptura occurrente.*

*In secundo Nocturno.*

*Lectio iv.*

**F**RANCISCUS Solanus  
Montiliæ, Hispaniæ  
Bæricæ, oppido, nobili  
genere natus, ac Domi-  
ni timorem jam indè à  
puerò edoctus, Aposto-  
lico muneri, quod erat  
postea suscepturus, in  
ea ætate præluxit. Nam  
condiscipulos, & natu-  
majores ardenti oratiō-  
ne ad pœnitentiã hor-  
tari, dissiðentes compo-  
nere, res humanas con-  
tēnere, Divinas seriò  
meditari solitus erat.  
Adolescens in Ordinem  
Fratrum Minorum Ob-  
servantium nomen de-  
dit, in eoque asperiōris  
discipinæ, humilitatis,

ac

ac pietatis exemplis  
oculos omnium ad se  
trahere cepit. Læstulus  
illi juncorum strues, pro  
indusio cilicium; quod  
grandi fune ita stringe-  
bat, ut latera acerrime  
diferuciaret. Noctu se  
flagris, & catenis cade-  
bat, dies anni complu-  
res pane tantum, &  
aqua visitavit; seque  
aliquando in spinarum  
acervos nudum proje-  
cit, beatum Franciscum  
imitatus, ut sensus om-  
nis patientia doloris fra-  
geretur. In sacris autem  
concionibus ipsius cha-  
ritas maxime enituit,  
qua plurimos Christo  
Iucrifecit.

℞. Honestum fecit  
illum Dominus, & cu-  
stodivit eum ab inimi-  
cis, & a seductoribus tu-  
tavit illum: \* Et deduxit  
Dominus per vias  
rectas, & ostendit illi  
regnum Dei. Et dedit.

*Lectio. v.*

**P**estilentia per Bati-  
cam saviente, ad  
corpora simul animasq;  
curandas se totum con-

vertit; & ipse lue mor-  
tali tandem implicitus,  
ac Dei manu è periculo  
ereptus, in pristino mi-  
nisterio constantius præ-  
stitit, dū morbus omni-  
no extingueretur. Puerum  
quoque fedis ulcere-  
ribus laborantem, ea  
lambendo sanitati resti-  
tuit. Exindè magnum  
esse cepit in Batrica So-  
lani nomen. Sed ille ho-  
minum laudes a versa-  
tus, Dei que gloriam, non  
suam unice quærens, Su-  
periores oravit, ut se in  
Africam mitterent ad  
Catholicam Fidem præ-  
dicandam, pro qua etiam  
si se daret occasio, vitam  
profundere perorabat.  
Misiōne Africana non  
impetrata, Americānam  
obtinuit; magnisque pe-  
riculis, non sine mira-  
culo, mari, terraque  
perfūctus, ad sibi parā-  
tam à Domino vineam  
lætus accessit; à qua co-  
lenda nulla eum itine-  
rum longitudo, aut vi-  
giliarum molētia retar-  
davit.

℞. Amavit eum Dō-  
mi-



minis, & ornavit eum, stolam gloriæ induit eum, \* Et ad portas paradisi coronavit eam. v. Induit eum Dominus loriceam fidei, & ornavit eum. Et ad portas.

*Lectio. vi.*

**P**eruanas regiones asidue peragrans, ingentem numerum Infidelium ad Christum convertit, Christianos à vitæ impuritate ad honestatem passim traduxit. Sæpe in concione, cum copiosè de Deo, ejusque Virgine Matre locutus esset, in extasim rapiébatur, aliquando de Domini cruciatibus verba facturus, voce lacrymis interclûsa, audiëntium fletus, ac gemitus eliciëbat. Summis tandem laboribus pro Dei Gloria amplificanda confectus, mox temq; præsentiens imminentem, Sacramentis perceptis ad iter cœlestè se comparavit; ac totus in Domino cogitatione defixus, pialque preces

ad eam fundens, & in Crucis figuram compositis manibus, expiravit ætatis anno secundo & sexagesimo, Chvilti millesimo sexcentesimo decimo, festo ipso die sancti Doctõris Bonaventuræ, quem eximia pietate in omni vita fuerat profecutus. Demortui color, antea subniger, est in album mutatus, vultusque species venusta contestim apparuit, & suavis odor è corpore cœpit erumpere.

*R.* Ille homo perficit omnia, quæ locutus est ei Deus; & dixit ad eum, ingredi in requiem meam: \* *Quia te vidi justum coram me ex omnibus Gèntibus.* v. Ille est qui contempnit vitam mundi, & pervenit ad cœlestia regna. *Quia te vidi. Gloria Patri. Quia te vidi.*

*In tertio Nocturno Homil. de 1. coi. Conf. non Pontif. Missa Os Justi de dicti coi.*

**OR.**

Ordinis Minorum sancti Francisci  
de Observantia.

**S**anctissimus Dominus noster **BENEDICTUS**  
XIV. ad humillimas preces P. Procuratoris  
Generalis Ordinis Minorum sancti Francisci de Ob-  
servantia, suprascriptas Lectiones proprias secun-  
di Nocturni, cum Oratione S. FRANCISCI SOLANI  
Confessoris ejusdem Ordinis, tam pro die Festo,  
quàm pro die ejus octava accuratè revisas, &  
examinatas, audito priùs R. P. D. Ludovico de  
Valentibus, Fidei Promotore, benignè approbavit  
ac insuper concessit, ut singulis annis die Festo &  
respectivè Octava prædicti Sancti ab omnibus Reli-  
giosis utriusque sexus, & aliis, quibus ex Indulto  
Apostolico concessum est ipsius Sancti Officium de  
Communi, recitari possit; & valeant. Die 26  
Junii 1751.

D. F. Cardinalis Tamburinus Præfectus.

Loco ✕ Sigilli.

A. M. Erba Protonotarius Apostolicus  
Pro-Secretarius.